



KANTONALNOM SUDU SARAJEVO
- Sudiji za prethodno saslušanje -
S A R A J E V O

Na osnovu člana 45. stav 2. tačka i), člana 241. stav 1. ZKP-a F BiH, Zakona o krivičnom postupku Federacije Bosne i Hercegovine, **p o d i ž e m**:

O P T U Ź N I C U

Protiv:

ANEL BEĆIROVIĆ, rođen 1989. godine, sa prijavljenim prebivalištem u ulici, po zanimanju tekstilni tehničar, nezaposlen, Bošnjak, državljanin BiH, JMBG: **osuđivan Presudom** Općinskog suda u Sarajevu, broj: 65 0 K 1008299 23 K, zbog krivičnog djela Nasilje u porodici iz člana 222. stav 1. KZ FBiH na kaznu zatvora u trajanju od 2 (dva) mjeseca, presuda pravosnažna dana 26.06.2023. godine,

nalazi se u pritvoru po Rješenju o produženju pritvora Kantonalnog suda u Sarajevu od 09.02.2024. godine, a koji pritvor po ovom Rješenju može trajati do 09.05.2024. godine ili do nove odluke suda

Što je:

1. U vremenskom periodu od 12.11.2023. godine od 21,45 sati do dana 13.11.2023. godine do 08,15 sati u ulici broj, općina Novi Grad Sarajevo, iako je imao zabranu prilaska svojoj bivšoj vanbračnoj supruzi E.M. - žrtvi nasilja u porodici na udaljenost od 500 metara na osnovu Rješenja Općinskog suda u Sarajevu broj od 15.12.2022. godine, prilikom predaje njihovog zajedničkog mlđb. djeteta rođenog godine, noseći sa sobom pištolj ušao u stan koji koristi E.M. i dok je mlđb. dijete bilo u prostorijama stana, svjestan da pucanjem iz vatrenog oružja može istu usmrtiti, što je i htio, iz vatrenog oružja-pištolja marke Crvena zastava, model ..., kalibra 9x17mm serijskog broja, ispalio jedan hitac u pravcu glave E.M. dok se ista nalazila u dnevnom boravku pored stola u poluležećem položaju, pogodivši je u predjelu glave desno čeonu, te je na taj način usljed djelovanja pištoljskog projektila istoj nanio teške tjelesne povrede opasne po život u vidu ustrijelne rane glave sa oštećenjem desnog i lijevog čeonog režnja mozga i desnih baznih ganglija mozga uz krvarenje ispod tvrde i mekih moždanih ovojnica, koja krv se kroz prelomljene kosti lobanje slijevala u nosnu i usnu šupljinu i udisanjem dalje u pluća dovodeći do ugušenja i do neposredne smrti E.M. na licu mjesta, nakon čega je uzeo pištolj kojim je usmrtio E.M., ključ o stana i vodeći mlđb dijete sa sobom izašao iz stana, isti zaključao sa vanjske strane, a potom se udaljio se u pravcu stana koji isti koristi u ulici broj, općina Novo Sarajevo, gdje je pronađen i lišen slobode od strane policijskih službenika MUP-a KS oko 20,00 sati
2. Dana 13.11.2023. godine u vremenskom periodu od 18,30 sati do 18,40 sati, u Sarajevu u ul. broj, općina Novo Sarajevo, svjestan da bezobzirnim ponašanjem može ugroziti mir i psihičko zdravlje člana svoje porodice svog mlđb djeteta, na što je pristao, a nakon što je prethodno usmrtio majku svog

mldb djeteta rođenog godine E.M. u stanu u ulici broj, općina Novi Grad Sarajevo dok je mldb dijete bilo u prostorijama tog stana, istog odveo u stan u ul. broj, općina Novo Sarajevo, držeći mldb. dijete zaključano u stanu u kojem su bila ugašena svjetla, dok je kod sebe držao vatreno oružje-pištolj, oglašavajući se na više izdatih glasnih i jasnih naredbi policijskih službenika "otvori policija" pa nakon što su policijski službenici izvršili nasilan ulazak u stan u istom su zatekli vidno uznemireno i uplakano mldb. dijetedok je Bećirović Anel držao u ruci vatreno oružje - pištolj marke Crvena zastava, model, kalibra 9x17mm serijskog broja, sa ustima cijevi naslonjenom na svoju glavu u predjelu sljepoočnice prijeteci da će se ubiti i zahtjevajući od policijskih službenika da mu se ne približavaju, usljed čega je kod mldb. djeteta došlo do strukturisanja enormnim strahom uzrokovanog stresnog poremećaja PTSP-a uz prisutan fenomen izbjegavanja, povlačenja i asocijacijama izazvanog stanja zaleđenosti, emocija, verbalizacije i komunikacije

3. Dana 13.11.2023. godine, oko 21,15 sati u ulici broj, općina Novo Sarajevo u stanu koji koristi, postupajući suprotno odredbi člana 7. stav 3. Zakona o nabavljanju, držanju i nošenju oružja i municije Kantona Sarajevo („Službene novine Kantona Sarajevo“ broj 1/18, 13/18 i 30/19), svjestan zabranjenosti svojih radnji i htijući to, bez odobrenja nadležnog organa kod sebe držao vatreno oružje i to: 1 (jedan) pištolj marke Crvena zastava, model, kalibra 9x17mm serijskog broja, sa spremnikom u kojem se nalazi sedam (7) komada metaka kalibra 9x17mm i 4 (četiri) komada metaka kalibra 7,9x57mm.

Dakle, pod tačkom 1. Optužnice jedno lice lišio života, pod tačkom 2. Optužnice bezobzirnim ponašanjem ugrozio psihičko zdravlje člana svoje porodice i pod tačkom 3. Optužnice bez odobrenja nadležnog organa držao vatreno oružje

Čime bi, pod tačkom 1. Optužnice počinio krivično djelo Ubistvo iz člana 166. stav 1. KZ F BiH, pod tačkom 2. Optužnice počinio krivično djelo Nasilje u porodici iz člana 222. stav 4. u vezi sa stavom 1. KZ FBiH, pod tačkom 3. Optužnice počinio krivično djelo iz člana 74. stav 1. tačka a) Zakona o nabavljanju, držanju i nošenju oružja i municije KS, a sve u vezi sa članom 54. Krivičnog zakona Federacije BiH

PRIJEDLOG ZA PRODUŽENJE MJERE PRITVORA

Predlažemo da se primjenom odredbe člana 151. stav 2. ZKP-a F BiH, nakon potvrđivanja optužnice prema osumnjičenom Bećirović Anelu produži mjera pritvora, obzirom da još postoje razlozi iz osnova člana 146. stav 1. tačka c) i d) ZKP-a F BiH, zbog kojih je pritvor određen odnosno produžen, a kako je to obrazloženo u Rješenjima Kantonalnog suda u Sarajevu.

KANTONALNA TUŽITELJICA